

# QUÆSTIO MEDICA.

Cardinalitiis disputationibus manè discutienda in Scholis Medicorum  
die Jovis ~~calidis~~ Martii 1714.

M. JOANNE CORDELLE, Doctore Medico, Præside.

*An vinum alimentum, medicamentum, venenum?*

## I.

VEGETABILIU M. census ad sanitatis & vitæ tuitionem, firmationemque, potissimus. Huic ad usus mortalium patenti cornu Natura pandit. Hinc legitimum generi nostro in has fœtus imperium manet, quas eadem mater nostras profundit ad auras. Necesse quid fuit genus omne animantium nobis mactari, & in communes escas usurpari? Ità profectò dexteriori netvorum ope, & calliditatis præstantiâ tutiores, jus carnium ex ambitionis incitatione simulavimus. Satis aquò fuisset, si pane tantum & diluto lymphis mero curta mensa remanferit, quæ carnis tumet nimis. Hæc incitamenta cupedinis, morborum fomenta! At singulos animantes Natura sui juris fecit, nec alieni mancipii; nisi fortè lanas grex ovilis æstuante sole non invideret, quibus Aquilonæ tempestatis frigora nè suâ vice nudatum corpus penetrando adurerent indultus provideremus. Verum proh quanta Mundo tytannis invehitur! Mutua exerceantur inter animantes diffidia; sæviunt lacerissim homines feræque, & ab æmulatione vitium sollicitantur. Jam didicit grex imbellis nostrum in sua cute gladium pati; jugo assuevit armentum, maximamque laboris nostri partem expedit. Quid plura paravit cupido? Telluris inum, Plutonis adyta inadita lucem invisam asperere, matrisque magnæ confossis viscetibus metalla sacrilegæ famis luridas in escas eruta scœnorantur. Infandum quid non mortalia pectora suos ad usus rapuerint. Paucis tamen planèque obvis Natura dimittitur; quantillum est quod illa poscit, ut mens sana in corpore sano perseveret. In promptu simul alimentum & medicina Vinum erit, quo vita sospes ab ægritudine vindicetur & resurgat. Quid ponderosa corporis sâginâ crassesceres, si vino & carnis adimplearis? Satis est vinum aquâ temperare, quod salubritatis tibi cautio erit, quo nec spurcis animam sordibus affricari senties. Tot ædèpol tantisque cœlorum inclementiis homo compatitur, ut, ægrorare nō seligat, aliquantulum indulgeat sibi necesse sit; quo jure,

*Narratur & præci Catonis*

*Sapè mero caluisse virtus.*

Non ergo tam stricta fuit mensæ religio, quia vini benè toties misceatur libamen, quoties uberiore nutritii succi penso damna corporis resarcire convenit, aut evaporatione insensili spirabilia excrementa solior lentiora promovere & effumare opportunum fuerit. Optimum scilicet fermentum sanguinis, tardioris Naturæ calcar, spirituumque pabulum, meti poculum. Hinc potissimum senibus veterascenti & effæto latice purpureo pronè labantibus, virtutum vitæque inducias Bacchus paciscitur. Sed heu diffidenda Autumnii munera! Profectò narcoticum virus insufflat merum, si quàm par est largius eporetur. Tum sanguis hebes ab insitâ fermentandi vi diltrahitur, laqueantur spiritus, letharumque frigus ferè membra degulstant. Hinc sæpius undas ad Strygias subitò raptus est, qui nimum in Bacchitripode exultabat; Pandorave pyxidem delibasse malo suo fato pensens, qui meti gaudiis voluptuosius mergebatur.

## I.

JAM ab undis, quæ tellurem diluetant, secretis solidum excreverat; cum recenti mortalium cruore tinctis amplius potari superstiti Noëmo piaculum fors videretur, à quo plus abhorret. Porro cogitavit sub viridanti pampino gemmare uvas, quæ non amarum sitis lenirent forent. Admovit experientiæ manum; inde orbi redivo testis fuit, nè quibus emerferat aquis in-posterum fideret. Evoè, quàm suavit merum exhausti! quàm tactu leni fauces colluebat è tipicolubis botro humor! liquidum enim-verò Solis jubar jam tum influxisse membris pensens pater; nec ab epoto Jove tenuit

gressum, quousque vis liquoris in viti virtutem cesserit. Ità Dædaleos machinæ animalis tractus Mercurius iste, felici experimento, permeavit primum; ut in humanam substantiam postliminiò expergiscentem eò vertendus videretur, quò eam summo-perè refocillaret caducum nimis, fluxiliter pereuntem jugiter instauraret, expirantem inspiraret, fatiscentem reficeret. Norint ergo mortales quæ sint propè & penes se bona. En Natura, quibus parca magis nascentibus fuerat & inclementior, eos indultrià præmunivit, quâ ipsam communem marem, gremiundo labore compellerent, ut dona profunderet; & sic provocatis uberibus meraciori lacte ipsi saturarentur, roborenrur, vigescant. Ità porro neque sitim modò compefcere vinum comparatum est, sed ultrà in alimentum elutriari. Refertum quippè est istud humoris genus eâ vi cœlestis auræ, quæ innati caloris fomitem recreare & amplificare valeat. Eo meri sulphure priùs in ventriculo chylus cremorascit, quem genialis humido-spiritus in hocce liminare emporium conspirans è cibo & potu ut ut subactis taliter erudivit. Deim extrusus gastris fibratum propellentibus oscillis chymus, bilis conflictu ab incoctilibus excrementis exoneratus, mox pancreatico latice lautior ac divite sui sulphuris penu ovans, ubertim sanguini pensum ab emensis mesentericolaëteis & thoracicis ductibus proleëatur. Hæc velut argentea mica solare semen, quod vel à vino tulerit, adeò purum sub niveo cortice, purpurei fermenti incubatu explicandum, animali vegetando nutriendoque repromittit. Nec mora, ubi commissus à subclaviâ diducitur meabilibus cliylus vasis, sensim colluitur proprio animalis mero-meracus ipse vegetabilis liquor: indeque blandienti complexus hospito, consimili ejusdem ablactatur purpurâ; ità qui.

*Cygniformis erat, conversus it imber in ostrum.*

At interim manat dum in venis cruor, quidquid in se purius habuit epotum necesse è sole deciduum Natura laborat in primogenium hominis salinum concinnare, glutinis formâ proximum-innati seminis specfici rudimentum compingere, necnon alimenti more in fibras, nervos, membranas, compagineque omnem; mox in ipsam, quæ purissima & enucleatissima vegetantis est, animam, Damogorgonis hospitem, convertere satagit & obtinet.

### I I I.

**O**PTIMUM est in alimento medicamentum, inquit *a* Cous. *b* Humidum pariter alimentum reficiendis viribus medicamen optimum. Hinc fauna cordis medicina vinum, quod exhaustos & deficientes spiritus citò recreare valeat. Ità è cardiacorum salus in vino est; adeò porro in oris ventriculi affectibus laudandum præsertim ubi metus ne syncope subsequatur, ut licet adit inflammatio, doceat Galenus merum cum pane exhibendum. Iisdem nominibus apud *d* Hippocratem vinum audit, quod instaurare vires, stomacho mederi, morbosas anxietates solvere, horroresque diffilare compemerit. Inde Sarracenis, quibus lege cautum erat ne vino uterentur, testis Averroës, ubi taliter afficerentur, concedi solitum fuisse. Quin reputando quoque sanguini accomodum, tum ciendæ urinæ, modò diluatur, cum per alvum ducendæ bili commendat Senex, *e* vel ipsis febricitantibus exhibendum. Maligno amplius pestilentive morbo correptis meri præsens auxilium est, vel omni theriacâ laudabilis; quod è terrâ Deus creavit, an-ne catholicam medicinam? Talem certè prædicant, qui suum jactant vinum & efferunt vulgari non vino tantum, sed & auro pretiosius. At Galena nostrum vinum esto quod ab avis conficitur. Ignipotens sanè menstruum ejus spiritus sulphureus elicitur, quo ditis ars chemia multiplices ad medendum tincturas, extracta plurima, & elixiria comparat. Ipsummet hac arte vinum in aquas vitæ regias abit; jam in theriacales, hungaricas, antiparalyticas, antapoplecticas, antepilepticas, vulnerarias, hydroticas & alias sexcentas, conponitur, ut nulla ferè absque vino medicina sit. Quid ità? en laboranti Naturæ maximè amicabile propitiumque vinum est, vel aquæ intercuti sanandæ, qui morbus Naturæ corruentis est, *f* Hippocraticâ praxi & assertum, & probatum. Labes verò corporis vinum eluere aptum est, cui subsederit omnis tartari impuritas: adeò enim purum ac proprio Marte coctum seligitur, ut inde valeat vitalis flammæ oleum rependere, in natos spiritus adaugere copis; quorum proventu majori vis *magnetismi* roboratur, spiræ omnes pressius exercentur, liquores promptius subiguntur, ocūs ab excrementis vindicantur, & in succum nutritium facessunt. Sic porro copiosior & expeditior perspiratio crassiorum & strictiorum pororum efficitur, qui optabilis est vel ab aquosolâ languore ad auream sanitatem regressus. Hei vobis, ô abstemii, quos pallida facies

*a* Hippoc. l. de alim. *b* Ibidem. *c* Plin. l. 23. c. 26. *d* Epid. 2. aph. s. 7. 57. *e* &c. *c* l. 3. de morb. *f* ib. de int. aff.

notat, quosque senium pramaturè corripit! serius ociùs tandem lethæos papaveres vino diffugite, nisi gravissimâ senectutis agitudine in humum præcipientes agi antepônatis. Assidua Bacchi juvenus membris addet vigorem gelidâ etiâ senectâ cassis; fibrarum corporeni excutiet, incoctos maturabit humores, coctorum excrementa diffusi procurabit, animamque diu in corpore tuebitur. Agendum, qui catharris obnoxius es, qui rheumatismis querulus divexaris, nonne toties jucundissimam medelam expertus es, quoties meracius vinum ebibisti? Quocirca Hippocrates \*, aqua, inquit, frigefacit, vinum calidum est & siccum habetque expurgatorium quoddam: nigrum & austerum siccus est, siccatur & calefacit, superfluos dissipans humores. Hinc sibi bene providet, ut sanitate non excidat, *b* qui quolibet saltem mense semel aut bis vino ciboque solito plus indulserit; sequenti enim die licet sensibilibiter consuetudo magis non evacuet, perpendet solito minus. Adeo quippè *c* vegetior expultrix tantum excitat perspiratus quantum sine staticâ nemo crederet. Aqua verò nedum idem *d* præster, lubricat quidem alvum, sed perspirationem divertit. Hinc nisi virtus per se plurimum valeat, morborum ilias exoritur, quibus unde medeatur vinum in se habet. Ita rusticani præ inopiâ vinum in mensâ non adhibentes, statim ut agrotant, quovis tententur morbo, Bacchum sibi medicum medicinamque simul accersunt; quo nisi resistuntur, morti se devotos putant, & Parca inclementiam jam tùm sentire se protestentur. At enim diureticum est vinum quod tenui sale splendide coruscatur, diaphoreticum quod micante sulphure penetrabilius est: Quare medicus ne inter medendum à vino semper abhorreat, quod tamen ut pro intento suo seligere, sic pro illius virtute ponderare & moderari noverit.

## I V.

**S**UO quisque avum agitat motu; hoc ipso assidue diffluit jugiterque reficitur, datis quæ cælum corpori rependant & hospitis subeant vices. Sic nos vivimus & alimur. Sed quam fata premunt, quæ ad orcum continuò vocant, ut similiter spiritum ducere, cibos & potus sorbere cogamur, inciti vitamne aut lethum voramus. Stat enim in virtutis suæ modo Natura quævis. Virtus hæc in proprio *magnitudo*. Eheu! quam debilis noster est, quam facile vinci & everti potest. Iis quibus pasci valet si parcius concurrant, iisdem depascitur si copiosius committantur: ita vinum quod in pretium sanitatis facessere promptum est, si eo sumatur haustu quo possit concoqui; vertute in perniciem, natales ubi spiritus, vitæ factores coctionisque molitores, gulosæ rusticitatis culpâ frequentius immergit, aut etiam semel insolubili crapulâ constrictos opprimit & extinguit. Proh quam insulse sapiunt & inique sibi consulant beatitatis cupidi mortales! cæci quam volupem prosequuntur, utilium abusu pessimo in proprium exitium corrumpunt. Adeo proxima bonis mala non vident, prius quam sentiant. Exemplis tandem & doctrinâ respiciant, ut intemperantiæ venena prudentes consultâ sobrietate devitent. Nunquid sæpe sub oculis venit multiplex vini oprobrium? vitii quippè corpus prægravat, atque affigit humo divina particulam auræ. Animi plerumque deliquium & sincopem inducit, dum robore suo spiritus coerces & congelat; verum & membris adimit vigorem, cadit omne nervorum robur; solidum fluidumque inter hebescit motus reciprocatio; quasi lethæus stupor artus inanes occupat; jam vox hæret faucibus, oculorum acies offusâ caligine retunditur; mens ipsa vaporibus adeo conscribitur, ut propè conspulta nec sibi nec machinæ vacare possit. Hæc si vetero diutius premitur, nec lethargum febris fortè subveniens excutiat, è sede mittitur & devicta refugit domitores vini spiritus, ut fati cedat ad Stygen impellentibus. Sed ab eclipsis reditiva si fuerit, & à compedibus resiliat, non omnis tamen veneni vis frangitur; verum in visceribus & medullis latitans, quotidianâ vini intemperantiâ pedetentim aggeritur & inolefcit, quousque lethalia specula aut partitis insulubris, aut ineluctabili marte, nequequam adversus nitenti naturæ incusserit. Hinc enim apoplexiæ, & comatæ, paralyses, phrenitides, dolores arthritici, colici, nephritici, lenterix, dysenterix, fluxus hepatici, hydropes, tabes, & omnes propè graviores morbi sortem ducunt, prout in parte magis debili gliscens venenum inolefcit, & tragediæ parat exordium. Primum vini ab ingurgitatione sequenti ventriculus tartareâ labe inficitur, quâ coctionis officium pervertitur, profrenatur appetitus, & immensa vini sitis assiduò vellicat. Jam tartareâ impuritas radicatur in visceribus & penitus intruditur, quæ priorum coctionum vim clusa, tertie coctionis semitas offuscat, fibrarum obturat hiatus, elatres, spirituumque rati-

a lib. de diata. b Sanctor. sect. 3. c Idem, ibidem. d Idem.

dios interpellat & retundit. Hinc aggestis sensim excrementis fluidorum itus reditusque remorantur, secretio omnis elanguescit, remittuntur perspiratio & instauratio, fibræ emareciscunt & indurantur, elaterio quilibetque solitis impares. Ità corporis nulla vel minima pars quæ succo degenerare non imbuatur, adeoque nativo calore delciscat adiuvit corruptionis fermento. Inde *senium Philippi*, & urgens lethi necessitas.

## V.

**Q**UANTUM dislet utrumque à medio extremum discernere prudentis est & in Æsculapicis orgiis non profani. Medium illud exiguâ latitudine deferibitur, ultra quam citraque nequit consistere rectum. Hinc \* qui parcius nutritur, quàm par est magis læditur, quàm si paulo plenius aleretur. Si verò quis b amplius æquo comedat, minus satis nutritur. Sobrietatis igitur & intemperantiæ pares sunt ad nimium gradus. Discrimen illud à diverso cuiusque cùm hominis tum rei assumendæ temperamento & indole pendet. Huic enim istud alimentum, quod alteri medicina; hoc illi medicina, quod alteri venenum. Vini quoque multifaria natura est, quâ tale ab alio summo jure differat. Præstantissimi succi Falernum est, quod perspirationem & sudores movet; Malvasium ventriculi frigidi levamentum, & coli cruciatus lenimen; Coem, e quod nigrum & austerum lienis inflammationibus medetur. Hispanis spississima vina sunt, ac sulphure, quo maximè nutriunt, plenissima; in Gallia mitiora; in Italia paulò fortiora; in Germania tenuissima, sed cruda & nonnihil acida. Dulce aliud, d quod nervos minus afficit, quàm vinosum, magisque fecedit alvo, & in tacto educendo commodum, sed biliosis noxivum, quibus inflat viscera, sitimque creat. Vinosum album aliud, quod urinas movet, adeoque renes & vesicam expurgat, quorum in affectibus e laudatur. Austerum aliud & nigrum, quod quidem siccit, sed neque album, neque urinam, neque salivam movet. Non infimæ notæ est, quod puniceo coloris, vinosum, odore quasi violaceo fragrans; vires enim apprimè rescit, sanumque firmat ac vegetum corpus; senibus imprimis utile, quale Burgundum nostrum est; plenis tamen & frequentibus vasis meraciter nulli bibendum. Præstat non novum, neque annosum nimis, quod tenue sit ac purum (olygophorum Græci dicunt) quod mentem non perturbat, sed per urinas facile meat, salubre magis si aquæ mixture dometur. Hoc enim alimentorum in ventriculo fermentationem promovet, fluxiliorem reddit chylum, obstructas referat vias, & appetitum excitat. Idem etiam fpueris lacte salubrius si lymphæ copiâ diluatur. Tu illo intercomedendum tantum utere, quantum ad alimenta diluenda requiritur. Ita salubri potu latabitur cor tuum:

*Nam lena tormentum ingenio admoveas*

*Plerumque duro; sic sapientium*

*Curas, & arganum jocosus*

*Consilium reteget Lyæus.*

Sed quò suavius merum, cò parcius bibas, nam molli sæpe latet anguis in herbâ, & ab aspidum mortu suaviter commori dicunt. Hinc aiebat Æsclepiades medicus primum cyathum ad sitim pertinere, secundum ad voluptatem & amorem, tertium ad ebrietatem, quartum ad insaniam. At fortè, inquires, Germanici ventris erant Æsclepiadis pocula. Eia, seriò concluditur; primus cyathus ad sitim, secundus ad concoctionem adjuvandam, tertius ad voluptatem, quartus ad gaudium, quintus ad somnum, sextus ad ebrietatem, septimus ad futorem & morbos.

a Hipp. Aph. f. 1. Aph. 5. b Sanc. f. 3. Aph. 54. c Hipp. l. de inter. aff. d eod. l. Hipp. e Ibid. f Hipp. l. de aere, loc. ag.

*Ergo vinum alimentum, medicamentum, venenum.*

Proponebat Parisiis PETRUS ANTONIUS LEPY, Parisinus, Baccalaureus Medicus. A. R. S. H. 1714.

Typis J. QUILLAV, Universitatis & Facultatis Medicinæ Typographi.